



Broj predmeta: 13-002611/22
Broj akta: 02-1348NH-0035/22
Datum, 7.12.2022. godine
Mjesto, Brčko

Na osnovu člana 21. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19), člana 20. Zakona o javnoj upravi Brčko distrikta Bosne i Hercegovine („Službeni glasnik Brčko distrikta BiH“, broj: 25/20 - prečišćeni tekst), člana 7. Zakona o zaštiti prava pripadnika nacionalnih manjina u Brčko distriktu Bosne i Hercegovine („Službeni glasnik Brčko distrikta BiH“, broj: 41/20 i 13/21), člana 16. stav (1) tačka g) Zakona o izvršenju budžeta Brčko distrikta Bosne i Hercegovine („Službeni glasnik Brčko distrikta BiH“, broj: 33/21 i 21/22), Odluke o utvrđivanju kriterija za podršku programima i projektima i način upravljanja fondom za nacionalne manjine, broj: 13-002611/22, broj akta: 01.11-0377MB-024/22 od 30. 11. 2022. godine, šef Odjeljenja za stručne i administrativne poslove Vlade Brčko distrikta BiH o b j a v l j u j e

JAVNI POZIV ZA FINANSIRANJE PROGRAMA I PROJEKATA ČIJI JE CILJ ZAŠTITA I PROMOCIJA PRAVA PRIPADNIKA NACIONALNIH MANJINA

I. Cilj

Cilj Javnog poziva je podrška udruženjima nacionalnih manjina za finansiranje programa i projekata koji se odnose na zaštitu prava pripadnika nacionalnih manjina, očuvanje i promociju njihovih različitih kulturnih, etničkih, jezičkih, tradicionalnih i vjerskih identiteta te kulturnog naslijeđa.

II. Pravo učešća

Na Javnom pozivu mogu učestvovati udruženja koja su registrovana s ciljem zaštite prava pripadnika nacionalnih manjina, očuvanja i promocije njihovih različitih kulturnih, etničkih, jezičkih, tradicionalnih i vjerskih identiteta te kulturnog naslijeđa i za koje se utvrdi da ispunjavaju kriterije uz člana III. ovog poziva.

III. Kriteriji za dodjelu sredstava

Kriteriji za dodjelu sredstava:

- da su opravdali sredstva dodijeljena iz budžeta Brčko distrikta Bosne i Hercegovine u prethodnoj godini;
- da su u momentu podnošenja prijave za finansiranje programa i projekata registrovani u skladu s važećim propisima Brčko distrikta Bosne i Hercegovine najmanje šest mjeseci;
- da su kroz edukacije, radionice ili konsultacije imali saradnju sa entitetskim Vijećem nacionalnih manjina;
- da su registrovani s ciljem zaštite prava pripadnika nacionalnih manjina, očuvanja i promocije njihovih različitih kulturnih, etničkih, jezičkih, tradicionalnih i vjerskih identiteta te kulturnog naslijeđa;
- kao dokaz za gore navedeno, dostaviti odgovarajuću dokumentaciju kojom se dokazuje ispunjenost kriterija.

IV.

Spisak neophodne dokumentacije za dodjelu sredstava

Neophodna dokumentacija koju Korisnik sredstava prilaže uz prijavu za finansiranje programa ili projekata obuhvata sljedeće:

- a) prijava za finansiranje programa ili projekta i opis programa ili projekta (ANEKS I);
- b) kopija aktuelnog izvoda iz sudskog registra, ne stariji od šest mjeseci;
- c) kopija rješenja o upisu u sudski registar sa spiskom lica ovlaštenih za zastupanje subjekta u pravnom prometu;
- d) kopija važećeg statuta;
- e) kopija kartona deponovanih potpisa iz banke ili ugovor podnosioca prijave s bankom u kojoj ima otvoren tekući račun;
- f) dokaz o izmirenim poreskim obavezama ili sporazum zaključen sa Poreznom upravom o odgodi plaćanja neizmirenih poreznih obaveza udruženja ne stariji od tri mjeseca;
- g) plan i program rada udruženja (ANEKS II);
- h) finansijski plan s jasno definisanim opisom troškova (ANEKS III);
- i) potpisanu i ovjerenu izjavu da za istu svrhu i namjenu nije dobio sredstva ili mu nisi odobrena ni od jednog drugog budžetskog korisnika u tekućoj godini (ANEKS IV);
- j) odluka nadležnog organa Korisnika sredstava o odobravanju i usvajanju plana i programa rada i finansijskog plana (ANEKS V).

V.

Finansijski okvir

Sredstva za realizaciju ovog javnog poziva su osigurana Budžetom Brčko distrikta Bosne i Hercegovine za 2022. godinu organizacionom kodu 15010001 – Odjeljenje za stručne i administrativne poslove, Pododjeljenje za podršku mjesnim zajednicama, nevladinim organizacijama i udruženjima građana, ekonomski kod 614300 – Tekuće donacije ostalim neprofitnim organizacijama iz Fonda za nacionalne manjine i iznosi 50.000,00 KM.

Minimalni iznos sredstava po programu ili projektu je 2.000,00 KM, a maksimalni iznos je 8.000,00 KM.

VI.

Način dodjele sredstava

Komisija će, na osnovu podnesenih prijava, izvršiti vrednovanje prijedloga programa ili projekata (opis programa i finansijski plan) iz člana IV, a u skladu s kriterijima predviđenim članom III. ovog poziva, odlučiti o ispunjenosti uslova i visini sredstava za dodjelu.

VII.

Vrijeme trajanja programa i projekta

Svi prijedlozi programa i projekata koji budu odobreni po ovom javnom pozivu moraju biti realizovani najkasnije do 31. 5. 2023. godine.

VIII.

Način prijavljivanja

Aneksi prijave s propratnom dokumentacijom za učešće na Javnom pozivu, možete preuzeti na web stranici: www.vlada.bdccentral.net.

Prijave za učešće na Javnom pozivu popuniti isključivo u elektronskoj formi i dostaviti u zatvorenoj koverti, s naznakom: „**PRIJAVA NA JAVNI POZIV ZA FINANSIRANJE PROGRAMA ILI PROJEKATA ČIJI JE CILJ ZAŠTITA I PROMOCIJA PRAVA PRIPADNIKA NACIONALNIH MANJINA – NE OTVARATI, OTVARA KOMISIJA**“. S druge strane koverta navesti naziv udruženja, te prijavu dostaviti, putem protokola Vlade Brčko distrikta BiH, Odjeljenju za stručne i administrativne poslove ili putem pošte na adresu: **Odjeljenje za stručne i administrativne poslove, Bulevar mira br. 1, Brčko distrikt BiH**.

Za sve potrebne informacije možete se obratiti putem e-maila:

Zoran Ješić: zoran.jesic@bdcentral.net

Suzana Starčević: suzana.starcevic@bdcentral.net

Amira Halilović: amira.halilovic@bdcentral.net ili na kontakt-telefon: 049 / 220-009.

Javni poziv ostaje otvoren osam (8) dana od dana objavljivanja, zaključno sa 16. 12. 2022. godine i bit će objavljen na internet stranici Vlade Brčko distrikta BiH www.vlada.bdcentral.net.

DOSTAVITI:

1. Za oglasnu ploču Vlade Brčko distrikta BiH,
2. Sektoru za informisanje – web urednik,
3. Evidenciji,
4. Arhivi.

